



HAFNARFJÖRÐUR

Tillaga 2.15.3.16

ALMENNAR REGLUR UM ÚTHLUTUN
LÓÐA OG SÖLU BYGGINGARRÉTTAR

Samþykkt á fundi bæjarstjórnar Hafnarfjarðar þann x. xxxx 2016

málsnr. 1512005

Almennar reglur um úthlutun byggingarlóða og sölu byggingarréttar í Hafnarfirði

Inngangur

Bæjarráð Hafnarfjarðarbæjar annast afgreiðslu umsókna um lóðir og gerir tillögu til bæjarstjórnar um úthlutun samkvæmt eftirfarandi reglum. Lóðirnar eru leigulóðir og gilda reglurnar almennt um ráðstöfun slíkra lóða en víkja má frá þeim varðandi einstakar lóðir með samþykki bæjarráðs. **Ef lóð eða byggingarréttur á lóð er boðinn út, gilda ákvæði í útboðsskilmálum, þar sem þá greinir á við aðra skilmála.** Reglurnar taka fyrst og fremst til úthlutunar lóða þegar margar lóðir eru auglýstar í senn. Í þeim tilvikum þegar meira framboð er af lóðum en eftirspurn er heimilt að víkja frá einstökum greinum reglanna. Byggingarlóðir geta verið ein eða fleiri saman á skilgreindu deiliskipulögðu svæði.

1. gr. Kynning og auglýsing

Reglur þessar, skipulagskilmálar og aðrir þeir skilmálar sem varða lóðir, skulu vera aðgengilegir á heimasíðu Hafnarfjarðar www.hafnarfjordur.is þegar lóðir eru lausar til umsókna.

- Lóðum er ekki ráðstafað nema að fyrir liggja gilt deiliskipulag fyrir viðkomandi lóðir.
- Úthlutunarskilmálar, hæðar- og mæliblöð skulu og liggja fyrir áður en lóðir eru auglýstar til umsókna og kynntar.
- Allar byggingarlóðir skulu að jafnaði auglýstar lausar til umsókna. Umsóknarfrestur skal ekki vera skemmri en tvær vikur.
- Yfirlit yfir lausar lóðir er síðan birt og uppfært jöfnum höndum á heimasíðu Hafnarfjarðarbæjar og er heimilt að úthluta lóðum til umsækjenda eftir því sem umsóknir berast uppfylli þær almenn skilyrði í 2. grein þessara reglna.
- Bæjarráð getur ákveðið að bjóða út einstaka lóðir eða heilt hverfi og skal þá í úthlutunarskilmálum fyrir viðkomandi lóðir tilgreina að fara eigi þessa leið.

2. gr. Almenn skilyrði

Sé ekki annað tekið fram í þessum reglum telst umsókn aðeins gild ef:

- umsóknin er útfyllt á rafrænu eyðublaði og skilað inn innan tilskilins umsóknarfrests
- umsækjandi er íslenskur ríkisborgari, íslenskur lögaðili, ríkisborgari ríkja er taka þátt í samstarfinu um hið evrópska efnahagssvæði EES, eða er lögaðili sem hefur lögheimili (starfstöð) á Íslandi¹⁾
- umsækjandi er fjárráða og bús síns ráðandi
- umsækjandi og maki eða sambúðaraðili skulu vera í skilum með opinber gjöld,
- **lögaðili skal vera í skilum með opinber gjöld, lífeyrissjóðsiðgjöld og sambærileg lögákveðin gjöld**
- umsækjandi er 18 ára eða eldri og er ekki undir gjaldþrotaskiptum né hefur orðið gjaldþrota á undanförunum 5 árum. Skila þarf inn vottorði þess efnis frá héraðsdómi ef þess er sérstaklega óskað
- **lögaðili skal hafa jákvæða eiginfjárstöðu samkvæmt síðasta ársreikningi eða árshlutareikningi (6 mánuðir eða meira)**
- Skýrt kemur fram hvers konar lóð er sótt um og í hvað tilgangi.

+Hjón og fólk í skráðri sambúð telst einn umsækjandi þegar sótt er um lóðir fyrir íbúðarhúsnæði.

Reynist umsókn ranglega útfyllt, gefnar rangar eða ófullnægjandi upplýsingar getur það leitt til ógildingar umsókna og afturköllunar á úthlutun.

2.1. Fylgiskjöl með umsókn

- greiðslumat frá viðskiptabanka eða fjármálastofnun og skal greiðslumatið uppfylla þær kröfur er íbúðalánasjóður/viðskiptabankarnir gera til lántakenda sinna. Greiðslumatið skal bera með sér að umsækjandi geti staðið undir þeirri fjárfestingu sem áætluð er eða þeirri lágmarks upphæð sem tilgreind er í auglýsingu og mögulegri lánafyrirgreiðslu umsækjanda
- lögaðili sem umsækjandi um lóð skal leggja fram ársreikning **síðasta árs áritaðan af löggiltum endurskoðanda, auk skriflegrar staðfestingar án fyrirvara frá banka eða lánastofnun um greiðsluhæfi og mögulega lánafyrirgreiðslu vegna fyrirhugaðrar húsbýggingar. Enn fremur skal umsækjandi leggja fram gögn er gefa upplýsingar um flekklausu byggingarsögu.** eða mat frá viðskiptabanka ásamt greinargerð umsækjanda sjálfs um að viðkomandi geti staðið undir þeirri fjárfestingu sem áætluð er eða þeirri lágmarksupphæð sem tilgreind er í auglýsingu.

3. gr. Mat á umsóknum

Við afgreiðslu umsókna skal gæta jafnræðis og að öðru leyti ákvæða 11. gr. stjórnisýslulaga nr. 37/1993 svo umsækjendum verði ekki mismunað á grundvelli sjónarmiða byggðum á kynferði þeirra, kynþætti, litarhætti, þjóðerni, trúarbrögðum, stjórnmalaskoðunum, þjóðfélagsstöðu, ætterni eða öðrum sambærilegum ástæðum.

Heimilt er í einstaka tilvikum að taka tilliti til sérstakra aðstæðna umsækjanda enda sé úthlutunin rökstudd. Einnig ef sótt er um lóð vegna sérhæfðs húsnæðis.

3.1. Mat á umsóknum einstaklinga

Við mat á umsóknum einstaklinga er tekið tillit til neðangreindra þátta:

- möguleika umsækjanda til að ljúka framkvæmdum á tilsettum tíma
- hafi umsækjandi áður fengið úthlutað byggingarlóð í bænum er heimilt að taka mið af fyrri byggingarsögu

3.2. Mat á umsóknum lögaðila

Við mat á umsóknum lögaðila er tekið tillit til neðangreindra þátta:

- upplýsinga um fjárhagsstöðu umsækjanda
- **að byggingarsaga umsækjanda innihaldi ekki veruleg brot á byggingarskilmálum**
 gæðakerfis byggingarstjóra og iðnmeistara.

4. gr. Úthlutun lóða

Einbýlis-, parhúsa- og tvíbýlishúsalóðum er úthlutað til einstaklinga og lögaðila. Raðhúsa- og fjölbýlishúsalóðum eingöngu til lögaðila. Lóð fyrir atvinnuhúsnæði er úthlutað til einstaklinga og lögaðila.

Fundardagur bæjarstjórnar Hafnarfjarðar, þegar úthlutun er staðfest, er endanleg dagsetning úthlutunar.

4.1. Lóðir fyrir íbúðarhúsnæði

- Einstaklingum og lögaðilum er heimilt að sækja um tiltekna lóðir eftir eigin ósk.
- Lögaðilar geta sótt um fleiri en eina lóð og jafnmargar til vara.
- Einstaklingar skulu sækja um eina lóð og heimilt er að sækja um eina lóð til vara.
- Umsækjandi sem sækir um lóð sem fyrsta valkost hefur forgang umfram umsækjanda sem sækir um sömu lóð til vara. Sæki fleiri en einn um sömu lóð skal dregið á milli þeirra. Útdráttur fer fram á fundi bæjarráðs.

- Lögaðili sem sækir um 3 eða fleiri samliggjandi lóðir hefur forgang umfram aðra sem sækja um einstakar lóðir.
- Berist engin umsókn innan auglýst frests úthlutunar eru lóðir tilgreindar lausar á heimasíðu og bæjarráði heimilt að afgreiða umsóknir sem berast.

Kynningarfundur er haldinn með lóðarhöfum þegar úthlutun liggur fyrir.

4.2. Lóðir fyrir atvinnuhúsnæði

- Lögaðilum og einstaklingum er heimilt að sækja um tilteknar lóðir eftir eigin ósk.
- Umsækjendur skulu tilgreina æskilega lóðarstærð, fyrirhugaða notkun og byggingaráform sín.
- Berist engin umsókn innan auglýst frests úthlutunar eru lóðir tilgreindar lausar á heimasíðu og bæjarráði heimilt að afgreiða umsóknir sem berast.

5. gr. Útdráttur og valfundur

Bæjarráði er heimilt að haga útdrætti þannig að úr gildum umsóknum séu dregnar umsóknir í númeraröð, jafn mörgum þeim og fjöldi lóðar sem til úthlutunar eru hverju sinni. Til vara séu dregnar jafnmargar umsóknir. Útdráttur skal fara fram í bæjarráði að viðstöddum bæjarlögmanni. Bæjarráð skal því næst innan viku boða til valfundar. Á valfundi velja umsækjendur sér lóð í þeirri röð sem þeir voru dregnir út í upphafi. Ef umsækjandi, eða sá er hefur skriflegt umboð hans, mætir ekki til valfundarins hefur hann fyrirgert rétti sínum til að velja sér lóð og skal þá sem næstur er á eftir í númeraröðinni velja sér lóð.

Valreglur þessar skulu kynntar samhliða auglýsingu lóðanna.

6. Staðfesting bæjarstjórnar

Að lokinni úthlutun og staðfestingu bæjarstjórnar á tillögum bæjarráðs skal senda öllum umsækjendum svör við umsóknum.

7. gr. Framsal byggingarréttar og lóðarskil

Eindagi lóðarverðs er einum mánuði frá staðfestingu bæjarstjórnar á úthlutun.

7.1. Veðheimild

Veðheimild er fyrir andvirði 80% af lóðarverði við þinglýsingu á lóðarleigusamnings. Eftir úttekt á sökkulveggjum og þinglýsingu á yfirlýsingu þar um setur bærinn engi skilyrði fyrir veðsetningu.

7.2. Sala og/eða nafnabreyting á úthlutun

Kvöð er í lóðarleigusamningi um að óheimilt er að framselja og/eða breyta um nafn á lóðarhafa fyrr en að lokinni úttekt á sökkulveggjum og þinglýsingu á yfirlýsingu Hafnarfjarðabæjar þar um.

8. gr. Afturköllun byggingarréttar og lóðarúthlutunar

Komi í ljós eftir lóðarúthlutun byggingarréttar að gefnar hafi verið rangar upplýsingar í umsókn er bæjarráði heimilt að afturkalla lóðarúthlutun byggingarréttar. Einnig fellur úthlutun sjálfkrafa úr gildi, án sérstakrar samþykktar bæjarstjórnar þar um í eftirfarandi tilvikum:

- a) Hafi lóðarverð ekki verið greitt innan tilskilins frests sem er innan mánaðar frá dagsetningu úthlutunarskilmála.
- b) Hafi uppdrættir af fyrirhuguðu mannvirki ekki borist byggingarfulltrúa til samþykktar innan 6 mánaða frá úthlutun.

Lóðarhafi fær tilkynningu um að fyrirhugað sé að fella niður lóðarúthlutun og fær 14 daga andmælafrest. Ef lóðarhafi svarar ekki eða gerir engar athugasemdir er lóðarúthlutun felld niður án frekari fyrirvara og fær lóðarhafi þá tilkynningu um það bréflaga, þegar úthlutun hefur verið felld úr gildi samkvæmt einhverju þessara tilfella (a-b).

9. gr. Afsal lóðarhafa til Hafnarfjarðarbæjar

Lóðarhafi getur einungis afsalað sér lóðinni svo lengi sem framkvæmdir eru ekki hafnar. Framkvæmdir teljast hafnar, ef deiliskipulagi lóðar hefur verið breytt að ósk lóðarhafa eða þegar aðaluppdrættir hafa verið gerðir fyrir tiltekið mannvirki og samþykki Hafnarfjarðarbæjar liggur fyrir og aðaluppdrættir hafa verið stimplaðir og áritaðir því til staðfestingar og samþykktin skráð í Fasteignaskrá og einnig ef lóðarhafi hefur fengið samþykkt graftrarleyfi og úttekt á gróf útsetningu, botni og fín útsetning hefur farið fram. Ef lóðarhafi hefur selt lóðina án heimildar, þá getur hvorki lóðarhafi né kaupandi lóðarinnar afsalað lóðinni til bæjarins.

10. gr. Annað

Farið skal með gögn og upplýsingar sem undanþegin eru upplýsingaskildu, sem trúnaðarmál.

11. gr. Almenn ákvæði

- Komi fram misræmi á milli texta í þessum úthlutunarreglum og texta úthlutunarskilmála ræður texti þessara úthlutunarreglna.
- Bæjarráð Hafnarfjarðar fer með framkvæmd þessara reglna .

1) ríkisborgarar EFTA ríkisins Svisslands falla undir sömu skilyrði og ríkisborgarar EES ríkja